

四庫全書

集部

欽定四庫全書

集部

五百家註柳先生集卷十三

詳校官監察御史_臣邱文愷

檢討臣何思鈞覆勘

總校官編修_臣王燕緒

校對官編修_臣孫希旦

謄錄監生_臣朱汶

欽定四庫全書

五百家註柳先生集卷十

墓誌

唐故中散大夫檢校國子祭酒兼安南都護御史
中丞充安南本管經畧招討處置等使上柱國武
城縣開國男食邑三百戶張公墓誌銘 并序

童曰張公名舟事詳見
本篇注誌銘在永州作

漢光中興馬援雄絕域之志

孫曰漢光武建武十六年
交趾女子徵側反自立為

王十七年以馬援為伏波將軍往討之

晉武一統陶璜布殊俗之恩

孫曰晉書

陶璜字世英孫皓時都督交州諸軍事晉武帝因而任之在南方三十年威恩著于殊俗安南即古交州也故舉

援璜之事理隨德成功與時並今皇帝戴新景命

韓曰今皇帝憲宗也

詩景命有僕景命明命也

丕冒海隅

童曰書丕冒海隅出日罔不率俾丕大也

時惟公祇

復厥績交趾之理

韓曰唐安南中郡護府本交趾郡武德五年改曰交州治交趾

續于

前人公諱某

諱每

字某某郡人也曾祖彥師朝散大夫尚

書駕部郎中祖瑾懷州武德縣令考清朝議郎試大理

寺丞贈右贊善大夫咸有懿美積為餘慶公以忠肅循

其中以文術昭于外推經旨以飾吏事本法理以平人

心始命蘄州蘄春主簿句會敏給

孫曰句會會計也會古外切

厥聲

顯揚仍以左領軍衛兵曹為安南經畧巡官申固扞衛

有聞彰徹轉金吾衛判官三歷御史績用弘大揚于天

庭加檢校尚書禮部員外郎換山南東道節度判官復

轉郎中為安南副都護賜紫金魚袋充經畧副使遷檢

校太子右庶子兼安南都護御史中丞充本管經畧招

討處置等使

韓曰史元和元年四月舟自安南經畧副使充本管都護

公自為吏

補注

即上所言為安南巡官副使云云

習於海邦凡其比較勤勞利澤長久

去之則夷獠復亂

孫曰去謂為山南東道節度判官獠西南夷名○獠魯皓切又竹巧切

復至而寇攘順化及受命專征得陳嘉謩誓拔禍本納於夷軌乃命一其貢奉平其斂施收人盡區處之方制

國備刑體之法道阻而通百貨地偏而具五人儲侍委

積

侍待也孫曰周禮門閭之委積以待施惠委積宰米薪芻之總名儲音除儲直里切羽獵賦音堆委於儲

切積子

師旅無庚癸之呼

韓曰哀十三年左氏吳申叔儀乞糴于公孫有山氏

智切

對曰若登首山以呼曰庚癸乎則繕完板榦重曰榦築垣之板也

諾注云庚西方主穀癸北方主水

控帶兼戎已之位

韓曰西域志漢元帝初元元年置戎已二校尉注戎已中央鎮覆四方

文單環王

韓曰單虜姓可單氏後改為單氏孫曰文單即陸真臘一曰波鏤環王本林邑一曰占不

勞一曰占波

怙力背義公於是陸聯長轂

童曰長轂戰車

海合

艤艫

孫曰艤艫戰船所以突敵者蒙衝二音

再舉而克殄其徒

孫曰元和四年八月

環王寇安南舟敗其衆三千人獲戰象并王子五十九人

廓地數圻

補注圻千里地春秋傳今大國

多數圻矣。圻音祈數字一本作故

以歸於我理烏蠻首帥負險蔑德公

於是外申皇威旁達明信一動而悉朝其長取州二十

以被於華風易皮弁以冠帶化姦宄為誠敬皆用周禮

率由漢儀公患浮海之役可濟可覆而無所恃乃剗連

烏

童曰連烏疑是山名○剗音枯

以闢坦途鬼工來并人力罕用沃日

之大

童曰沃日之大海也

束成通溝摩霄之阻若為高岸

童曰若毀也周

官有若蕻氏音普又丑列切

而終古蒙利公患疆場之制一彼一此

而不可常乃復銅柱

孫曰廣州記馬援到交趾立銅柱為漢之極界舟復之韓曰馬總充

安南都護夷獠便之乃於漢所立銅柱處以銅一千五百斤特鑄二柱刻書唐德以繼伏波之迹以此誌觀之則張公亦嘗有見為正制鼓鑄既施精堅是立固圉之作特史不書耳

下

童曰周邊陸左氏傳亦卿以固我國也

明若白黑易野之守

孫曰周禮險野以人

為主易野以車為主此言
雖易而險也。易以致切
險逾丘陵而萬世無虞奇琛

良貨

韓曰兩雅琛寶也。琛丑林切。

溢於玉府

孫曰周禮玉府掌王之金玉玩好兵器凡良貨

賄之藏今本皆作玉府

殊俗異類盈於藁街

孫曰漢書陳湯傳鄧支縣頭藁街藁街街

名蠻夷邸在此邸若唐鴻臚客館三輔黃圖云藁街在長安城門內韓曰魏都賦云藁街之邸不能及注藁街邸蠻夷之館漢時所立也優詔累旌其忠良太史嗣書其功烈就加

國子祭酒封武城男食邑三百戶凡再策勲

孫曰桓三年左氏反

行飲至舍爵策勲言書勲于策紀有功也

至上柱國三增秩至中散大夫某

年月薨于位年若干天子震悼傷辭有加

童曰傷辭謂贈策也明

年其孤某官與宗人號奉裳帷率其家老咨于叔父延

唐令某卜宅于潭州某原

童曰孔子曰卜其宅兆宅墓也

葬用某月某

日人謀皆從龜兆襲吉

韓曰書龜筮協從卜不習吉注云習因也今作襲亦因也

乃

刻茲石著公之閔以志于丘窆

童曰窆空墳也周禮大喪甫窆音釧入充芮切

以告于幽明銘曰

周限荆衡

韓曰荆衡之地在周非其所

秦開百粵

韓曰

皇并天下分為三十六郡平百粵又置

閩中南海桂林象郡四郡粵與越同

交州之治炎劉

是設

錄曰漢武帝元鼎元年定越地以為交趾郡

德大來服道消自絕伏波

南征

見上注

漢威載烈宛陵北附

孫曰孫皓降晉手書報璜歸順晉武帝封璜為

宛陵侯

晉政爰發我唐流澤光于有截

童曰詩海外有截注云四海之外截

肅整齊

皇帝中興武城授鉞

孫曰言舟為都護也

肅肅武城惟夫之

哲

童曰詩哲夫成城

更厯毗贊

孫曰言舟為巡官副使也

顯揚彰徹既受休

命秉茲峻節度其謀猷守以廉潔厚農薄征匪貊匪桀

韓曰孟子欲輕之于堯舜之道者大貊小貊也欲重之于堯舜之道者大桀小桀也注貊夷貊之人在荒服者

二十而取一

通商平貨有來胥悅踐山跨海堅其鸛列

鸛曰列子必無盛鸛列於麗燕之間注鸛列陳兵也

制器足兵潰茲蟻結

童曰蟻結言小

寇如蟻聚也禮
蟻結于四隅

烏蠻屈服文單剪滅系遠開疆會朝天

闕銅桐乃復環山以砮

孫曰齊語環山於有牢環繞也砮摘墮也○砮殺列切

海無

遘迓

音午又音忤

寇罔踰越琛賁之獻

賁徐刃切亦作瞋同

周于窮髮

孫曰莊子窮髮之北窮髮不毛之地

帝嘉成德載旌茂閎增秩策勲土封

斯裂位厄元侯年虧大耋

孫曰易大耋之嗟凶說文年八十曰耋○耋音迭

邦

人號呼夷裔悽咽卜葬長沙連岡啟穴書銘薦辭德音

罔缺

唐故邕管經畧招討等使朝散大夫持都督邕州

諸軍事守邕州刺史兼御史中丞賜紫金魚袋李

公墓誌銘 并序

公諱某

諱

字某實惟文皇帝之玄孫

太宗初諡大皇帝

別子曰

承乾

別筆列切

為皇太子以藩愛逼奪危慄致禍後封恒山

為愍王贈荊州大都督

孫曰太宗長子承乾武德三年封恒山王九年立為皇太子貞

觀中魏王泰有寵於上潛有李嫡之意七月廢承乾為庶人天寶中復改封謚曰愍王

繼別曰象

蘄春郡太守贈越州大都督封郇國公太宗曰玼

韓曰禮記

別子為祖繼別為宗繼稱者為小宗注曰別子為公子始來在此國者後世以為祖又曰繼別為宗者別子之

世適也族人尊之謂之大宗是宗子也又曰繼稱爲小宗者父之適也兄弟尊之謂之小宗誌謂別子曰承乾繼別曰象太宗曰玼以是推之可考矣○玼步田毗賓二切說文云玼珠也夏書作璵

太子詹事

贈秘書監生虞

真翼二音

尚書左丞凡四代有土田居貴仕

公丕承之以率南服克荷天休繼有功德公始以通經

入崇文館

孫曰唐崇文館學生二十人課送舉試如弘文館

登有司第選同州

叅軍入佐金吾衛

孫曰貞元十九年十一月以振武節度使范希朝爲右金吾大將軍奏位

佐其府

進太僕主簿參引大駕府移爲左右神策行營兵

馬節度以爲推官

孫曰貞元元年五月以希朝爲左右神策京西諸城鎮行營兵馬節度使

鎮奏天復奏
位為府推官
拜監察御史賜緋魚袋凡二使其率皆范

司空希朝

率將帥也
字與帥同

進殿中侍御史湖南都團練判官

孫曰永貞元年十一月以御史大夫薛
革為湖南都團練使革辟位為判官

以寬通簡大輔

治得中道府遷主後事師人愛慕欲以貞元故事為請

公恐懼抑留復徙浙東為都團練副使

孫曰元和三年
正月革自湖南

遷浙
東

轉侍御史又徙浙西

一本二徙
字並作從

如其職

孫曰五年
八月革遷

仍以位
為副使

加著作郎凡三使其率皆薛大夫革刺岳信二

州得劉向秘書以能卒化黃白

韓曰劉向傳淮南有枕
中鴻寶苑秘書言神仙

使鬼物為金之術向幼而讀書以為奇
獻之言黃金可成上令典尚方鑄作事
日召徒試術為

仇家上變就鞠無事勅笞殺告者猶降建州司馬
孫曰位為

信州刺史好黃老道數禱祠部將韋岳告位集方士圖

不軌洪州監軍高昌奏位謀大逆追捕位劾禁中薛存

誠孔殘一日三表請付御史臺詔殘與三司離治無反

狀岳坐誣罔誅貶位建州司馬詔曰信州刺史李位心

希秘術跡狎匪人謂捕影之可求乃先風之是黥名教

之內本無異端典刑之中豈容僻好可守建州司馬云

陟刺泉州會烏獬夷

張曰獬字諸韻無疑是獬楚詞猛犬猶信烏獬犬戎也猶牛佳牛巾二切

韓曰考之史傳蓋是烏獬烏獬黃洞蠻也

○一本作會烏獬夷叛即無下刺字

刺殺郡吏毆縛

農民詔以公都督邕州兼御史中丞賜紫金魚袋為經

畧招討使既至則數弓橐甲

童曰數弓衣橐囊也所以藏甲鼓與攷同它乃切橐

音託

去斥候禁部內無敢以賊名使得自潸濯

潸胡管切

諸酋

長咸頃首送款故虜獲輸稅奉貢願比內郡人遣子吏

都督所

韓曰言為吏於都督所也

人復耕稼無有威刑居五月頃有

黑螭鼓江

童曰螭狀似龍而無角螭音癡

流壞北岸直城南門覆船殺

人然後去父老泣曰吾公其殆矣嘗合汞流黃丹砂為

紫丹

童曰說文云汞丹砂所化為水銀也汞胡貢切與頃同

能入火不動以為神

服之且十年然卒以是病暴下赤黑數日薨實元和十

三年六月十五日年五十七僚宰庀事有緹五兩

重曰緹赤

帛也兩疋也周禮無過五兩

緹音題又它禮切兩直諫切

無金銀泉貝

重曰泉錢別名貝說

文海介蟲

幾不克歛夷人號呼致幣歸以明年月日葬附其

穆長安西南高陽原上

韓曰穆昭穆也父為昭子為穆

夫人陳氏先公

十五年沒父曇亦都督邕州終

孫曰貞元十三年六月以陳曇為邕州經畧使

孤孟輿愿且文亞曰仲權次曰季謀年自九歲以下有

兩壻博陵崔行儉勁峭有立志滎陽鄭師貞敏捷能羣

皆聞名銘曰

文瀾維祥

孫曰文謂
文皇帝

實巨寶延冢讒不嗣宗以支傳卹

公克庸詹事繼賢湜湜左丞

重曰湜說文水清也詩
湜湜其止湜似力切

惟

道之宣公寬且惠以教則順五參戎政

補注謂佐金吾
衛左右神策行

營湖南浙東

二佩郡印

補注謂典
每信二州

師歡民愛克懷以信

浙西凡五府

詆辭告訕

一作
訟

卒白其訛烏猗猖狂盜海剽山帝命于

南逝彼羣蠻虎龍煌煌英蕩是將

孫曰周禮山國用虎
節澤國用龍節皆金

為之英蕩輔之注金為節
象龍虎之狀英蕩玉器

舟之金玉

孫曰詩何以舟之
維玉及瑤舟帶也

謂帶以
金玉

以為公服公既蒞止

重曰蒞臨蒞也
詩方叔蒞止

告以文理

推義赴仁弢弓服矢

弢音韜
解見上

闢是垣壘完其父子復我

邦賦施予卒士兒不功矜情不伐喜蠻人涕懷投刃以

俟方底成績蟲孽告妖悍石構災升屋而號

孫曰升屋
招龜也

椎髻卉裳

孫曰書島夷卉服卉猶萑蒿之屬○椎音挺髻音介卉詗里切

來賻來觀

膺鱗原

孫曰膺美也詩周原膺膺○膺音武鱗一作鮮鮮善也詩度其鮮原

祔之顯魂松

栢芊芊

芊芊草盛貌芊音千

封域安安代有高墳堯文之孫

唐故邕管招討副使試大理司直兼貴州刺史鄧

君墓誌銘

并序

君諱某字某南陽人漢司徒禹之世也

韓曰禹字仲華南陽新野人漢

光武時為大司徒

曾祖倚皇連州普城令祖少立皇滄州司馬

考邕皇左武衛兵曹叅軍惟君敏給以御下廉忠以承

上幹蠱之稱

重曰易幹父之蠱蠱事也○蠱音古

洽於諸侯信謹之跡彰

于所蒞故自始仕以至沒世未嘗無聞焉初以試太常

寺奉禮郎更職於劔南湖南江西前後連帥咸器其能

以柄於事於劔南

孫曰劔南節度使韋皋辟佐其府

則亭擬閱實

孫曰亭亦

平也閱實謂檢閱核實之也書閱實其罪

以循官刑

孫曰書鞭作官刑注云官事之刑

盡哀

敬之情

孫曰書哀敬折獄

致淑問之頌

孫曰詩淑問如臬陶淑問善曉訟也

寬猛

之適克合于中於湖南

孫曰貞元十八年九月以大常少卿楊憑為湖南觀察使以鄧

佐其則外按屬城內專平準蒞外人錫石之地

韓曰周禮什人

掌金玉錫石之地而為之厲禁以守之說

參見氏鼓鑄

文升銅鐵模石也與礦同○升號猛切

之功

韓曰周禮見氏為鐘兩鑪謂之銑銑間謂之于上謂之鼓

湓山告祥國用益

贍更無並緣以巧法

並蒲浪切

人無怨讟以苦役

讟怨也音讀

凡

處斯職莫能加焉於江西

孫曰永貞元年十一月以楊憑為江西觀察使以鄧為從

事則旁緝傳置下繩支郡俾無有異政以一於詔條財

賦之重待君而理無何邕州經畧使路公恕奏署試大

理評事兼貴州刺史

孫曰元和元年邕管經畧使路起辟佐其府

參帷幕之

任董龜虎之威

孫曰龜龜印虎虎符謂其為貴州刺史也

夷俗敬愛革面受

事

童曰易曰小人革面

朝廷將以武定南服命安南大校御史中

丞趙良金為邕州

孫曰二年以良金為邕州

復以君兼招討判官錄

其異能奏加司直昇招討副使兼統橫廉貴三州事

茸之下

龍茸亂貌龍莫江切茸如容切

直道有立獷悍之內

獷古猛切悍音汗

義威必行賦增而不擾法一而無憾然以憂慄間於多

虞

補注哀五年
左氏之詞

卒成耳目之塞道致齒牙之猾

孫曰晉
語獻公

卜伐驪戎史蘇占之曰遇兆挾以銜骨
齒牙為猾齒牙為猾以象讒口之為害

元和五年五月

二十一日疾卒於公館年五十五明年某月日返葬於

潭州某原夫人隴西李氏大理評事練之女年三十三

貞元十六年終於彬州有子四人曰贄曰某贄十三年

矣哀禮具焉京兆尹弘農公

韓曰楊憑
時尹京兆

始由湖南為江

西再以君為從事知之最厚痛君之能不施於劇任惜

君之志見屈於羣疑且以誌授宗元使備其闕古者觀

其所使而知在上之德今也觀其所使

一本作以字

而知在

下之誠嗚呼可無辭乎銘曰

曼姓之裔

韓曰左氏楚子大夫鄧曼鄧曼姓後以國氏

司徒隆漢惟君是承

有植其幹始屬奉常出叅藩翰議猷西蜀

張曰猷議猷也○猷語蹇

魚戰巨列三切

平其狴犴

童曰揚子狴犴使人多禮乎狴犴獄也狴犴二音狴又音逸迷切

巡

視南楚總茲條貫貿遷化居

孫曰書懋遷有無化居今作貿貿交易也化謂以其

所有易其所無居謂近水者居

貨殖攸贊

韓曰子曰賜不受命而貨

魚鹽近山者居林木之類也

殖焉注惟財貨是封殖也贊助也

改煎銘範貢輸增算

算數也

既飭財賦

欽定四庫全書

童曰飭整備也周禮飭化八材是也

亦專傳館

傳柱

去牧荒阻

補注謂為貴州刺史

肅其聽斷攷數以息

攷數占奪壤字

暴戾斯逋行非選事進不

避難始賴其寧終聞見憚疾與憂積志隨鬼散年及中

身

將曰書文王受命惟中身中身年五十也

葬茲高岸才耶命耶君子興歎

呂侍御恭墓誌

韓曰公嘗為衡州刺史東平呂君溫謀令

誌其弟侍御恭之墓其稱述二君蓋詳

呂氏世居河東

韓曰史云河東人

至延之始大以御史大夫為

浙東道節度大使

諱曰乾元二年六月以延之為浙江東節度使

延之生渭為

中書舍人尚書禮部侍郎刺湖南七州

孫曰渭字君載貞元十三年為

禮部尚書知貢舉擢裴延齡子孫居上第會入

閣遺私謁之書于延九月罷為湖南觀察使

生四子

溫恭儉讓以溫為尚書郎再贈至右僕射

孫曰初贈陝州大都督元

和初溫為戶部員外郎再贈渭尚書右僕射

恭字敬叔他名曰宗禮或以為

字實惟呂氏宗子尚氣節有勇畧不事小謹讀從橫書

韓曰漢書從橫十二家

理陰符握機孫子之術

孫曰周書陰符

九篇握機亦兵書

曰我師尚父曹也

孫曰詩維師尚父師尚父呂望恭之

名孫子十三篇

先大父洎先人咸統方岳今天下將理平蔡充冀幽

童曰

欽定四庫全書

蘇吳元濟充李師道冀
成德軍幽盧龍軍也

洎戎猶負命蚤夜呼憤以為宜

得任爪牙畢力通天子命作文章咸道其志云又曰由

吾兄而上三世世為進士吾之文不墜教戒獨武事未

克續厥緒

續作
管切

因棄去從山南西道節度府掌書記

孫曰

為山南西道節度
使嚴礪掌書記

預謀畫不甚合以試守軍衛佐加協

律郎入薦為長安主簿復出以監察御史叅江南西道

都團練軍事

孫曰元和二年正月以韋丹為江
南西道都團練使恭為軍府叅軍

府表進

殿中侍御史

府即江
南西道

為桂管都防禦副使元和八年去

桂州相國尚書鄭公遮留假嶺南道節度判官

孫曰元和五年

三月以故相禮部尚書鄭絪為嶺南節度使至此年恭去桂州絪留為府判官

至廣州病痰瘧

加瘧

重曰瘧舊本作疥晉山沈公謂當作瘧○瘧音皆發瘧也瘧音虐瘧下病也音帶又音帝

六月

二十八日卒妻裴氏戶部尚書延齡女有丈夫子三人

曰奘曰瓌曰特女子三人曰瓌曰鸞曰倩皆幼行於道

而倩又死遂以柩如洛陽祔葬於大墓歟志呂氏世仕

至大官皆有道宜興於世溫洎恭名為豪傑知者以為

是必立王功活生人不幸溫刺衡州年四十卒

孫曰元和六年

溫恭未及理人年三十七又卒世固有有其具而不及

其用若溫恭者即恭貌奇壯有大志信善容物宜壽考

碩大而不克呂氏之道惡乎興銘曰

颯颯之風乎不可追

淵曰襄二十九年左氏吳季札來聘為之歌齊札曰美哉泱泱乎大

風也哉表東海者其大公乎為之歌魏曰美哉颯颯乎大呂氏太公後當言泱泱今作颯颯誤也颯颯大聲也○

有音志之大乎今安歸呂君去我死乎吾誰依

唐故嶺南經畧副使御史馬君墓誌

童曰馬君史無

傳表系亦莫詳

元和元年月日扶風馬君卒命于守龜

命占也

祔于先君

食

孫曰食者以墨畫龜然後灼之兆順食墨則為吉也

卜葬明年某月庚寅亦食

其孤使來以狀謁銘宗元刪取其辭曰君凡受署

署辟署

往來桂州嶺南江西荆南道

往來一作往事

皆大府凡命官更

佐軍衛錄王府事

孫曰謂為王府錄事參軍

番禺令

童曰番禺廣州縣名上音番下

音江陵戶曹錄府事

孫曰亦謂為江陵府錄事參軍

監察御史皆為顯

官凡佐治由巡官判官至押番船使

孫曰嶺南節度府有押番船使船蠻

夷汎海之舟音白

經畧副使皆所謂右職

右職要職也

凡所嚴事御

史中丞良

韓曰良未詳

司徒佑

韓曰興元元年三月杜佑為嶺南節度使

嗣曹王

皋

將曰建中三年十月以皋為江西觀察使貞元元年四月徙荆南節度使

尚書胄

將曰貞元七年

正月以裴胄為江西觀察使八年二月徙荆南節度使

尚書伯儀

將曰大歷十二年五月以張伯

儀為嶺南節度使建中三年三月徙荆南節度使

尚書昌

將曰元和元年四月以趙昌為嶺南節度

使三年四月徙荆南節度使

皆賢有勞諸侯其善事凡管嶺南五府

儲時

韓曰五府謂嶺南安南桂容邕也韓文公集有送鄭權尚書序曰嶺之南其州七十其二十二隸嶺

南節度府其四十餘分四府府各置帥時文里切亦作峙

出卒致穀以謀叶平哥舒

晃

將曰大歷八年九月徇州刺史哥舒晃反十年十一月江西觀察使路嗣恭討平之

假守州邑

縣曰謂為
番禺令也

民以便安殄火訛殺吏威海鹽增算邦賦大

減所至皆用是理年七十不肯仕曰吾為吏逾四十年

卒不見大者今年至慮耗

縣曰年至謂七十當致仕也今俗本誤作年志

終不

能以筋力為人羸縮因罷休以經書教子弟不問外事

加七年卒君始以長者重許與聞凡交大官皆見禮司

徒佑嘗以國事徵顧謂君曰願以老母為累受託奉視

優崇至忘其子之去君諱某字某曾祖某某官父某某

官嗣子隴西李氏出曰徵由進士為右衛曹曹早沒次

四子皆京兆韋氏出曰倣曰倣曰敏曰庭女一人嫁柳

氏壻曰宗一

童曰宗一公之弟也

其銘曰

不懈于位不替于謀慮寢以平

寢口候切一本作倣

撫民以蘇偕

火不孽

一本作孽火不作一本作偕火不孽

悍吏不牟

補注二句即前所云珍火訛殺吏處

也牟侵牟

惟寶于鹽亦贏其籌公以忠施私以義躋既至于

年乃靜于懷衣柔膳甘子侍孫攜

侍一作掖

觀經考古教導

斯齊克壽克樂嗚呼終哉于陰之原爰位其墓千萬子

孫來拜來附

唐故安州刺史兼侍御史貶柳州司馬孟公墓誌

銘

孟氏之孤遵慶奉其父命書九篇為善狀一篇

善狀行狀也

來告曰日月君薨日月將葬于某敢請刻辭嗚呼公自

假左贊善大夫桓王司馬

孫曰無桓王

太常少卿為義成軍

中軍兵馬使

孫曰貞元二年九月以賈耽為義成軍節度使耽辟常謙為中軍兵馬使

其帥

魏國公耽為宰相

孫曰九年五月耽入為宰相

命公左領軍衛將軍

孫曰左右領軍衛將軍各二人

事德宗順宗今上立朝九年加朝議大

欽定四庫全書

王世貞詩林外集卷十

夫居喪會用兵于趙

一無于字

起復居故官為左神策行營

先鋒兵馬使

孫曰元和四年十月詔削奪成德軍節度使王承宗官爵命神策右軍中尉吐突承

瓘率兵討之以常謙為先鋒兵馬使

知牙而趙兵罷

孫曰五年七月赦承宗

不受祿

去金革服喪終期命安州刺史仍加侍御史安州防遏

兵馬使貶柳州司馬公嘗佐魏公平襄陽靖梁州

孫曰大歷

十四年十一月以既為梁州刺史山南西道節度使建

中三年十一月以既為襄州刺史山南東道節度使常謙

皆佐立義成軍

孫曰既鎮義成時淄青李納雖去王凱外奉恩旨而心常蓄併吞之謀既待之

不疑淄青將士皆心服不敢異謀

魏公弘大恢奇公能以任軍政是以

又為衛將軍虔恭潔廉動得禮節伐趙之役堅立堡壘

誓死麾下法制明其權力無能移進不避患退不敗禮

安州迫寇攘

韓曰安州迫淮西之境時淮西吳元濟叛

多戎事政出一切吏

以文持之故貶明年

元和九年

用兵于蔡

一無于字

朝廷諸公洎

外諸侯咸以公為請未及徵氣乘肺溢為水浮膚而卒

年六十惟公志專于中貌嚴于外嘗立廷中毅然望之

若圖形刻像聞國難輒不寢食謀度憤吒

吒魁也
陟駕切

以故

病不可治曾祖某官諱某祖某官諱某父某官諱某公

之諱曰常謙子遵慶弟曰某銘曰

魯仲孫氏其世為孟

韓曰孟氏世出魯桓公子仲孫之後仲孫為三桓之孟故曰孟氏云

賁勇光武

孫曰孟賁古之勇士音奔

軻儒紹聖公傳師法以訓戎政

執稽以庸

孫曰稽士卒兵器簿書也周禮聽師田以簡稽是也

咸致厥命濟濟乎

朝冕服以光墨非從利

孫曰墨謂墨其衰經

終役服喪

作復

忠孝

孔明君子攸彰昔者雲中六級下吏

韓曰魏尚為雲中守虜常一入尚帥

車騎擊之坐上功幕府差六級文帝下之吏

公刺于安法亦可議黜伏南荒

豪士歔歔

上虛下希人音戲

聞難以激去食廢寐神乖氣離支

膺莫遂廷臣進言侯伯拜章帝命將施俄仆于京

孫曰京字誤

代山丸丸植栢與松

孫曰詩松栢丸丸丸松栢高直之貌它本作代山凡凡恐非

其

名惟何忠孝益公

故連州員外司馬凌君權厝誌

韓曰公與凌君元和元年同貶員外司馬此誌永州作集又有哭連州員外凌司馬詩別集又有後誌而諸本不載今列之此篇後

年月日

韓曰元和三年

尚書都官員外郎和州刺史連州司馬

富春凌君諱準

孫曰準字宗一

卒于桂陽佛寺

孫曰桂陽連州

先是六

月告于州刺史博陵崔君曰余嘗學黃帝書切脉視病

今余肝伏以瀉

張曰脉瀉而不滑也○瀉音色

腎浮以代將不臘而死

審矣

補注臘歲終祭名左氏虞不臘矣

凡余之學孔氏為忠孝禮信而

事固大謬卒不能有立乎世者命也

有立俗本作有示誤

臣道無

以明乎國子道無以成乎家下之得罪於人以謫徙醜

地上之得罰于天以降被罪疾余無以禦也敢以鬼事

為累又告為老氏者某曰余生於辰今而寓乎戌

韓曰元和

三年歲

辰戌衝也吾命與脉叶其死矣乎吾罪大懼不

在戊子

克歸柩於吾鄉是州之南有大岡不食

補注檀弓子高曰我死則擇不

食之地而

吾甚樂焉子其以是葬吾及是咸如其言云

葬我焉

孤夷仲求仲以其先人之善余也勤以誌為請嗚呼君

字宗一以孝悌聞於其鄉杭州刺史常召君以訓于下

讀書為文章著漢後春秋二十餘萬言又著六經解圍

人文集未就有謀略尚氣節調人之急出貨力猶棄糶

糶

上音匕下旁卦切與稗同

年二十以書干丞相丞相以聞試其文

日萬言擢為崇文館校書郎又以金吾兵曹為郊寧節

度掌書記泚涇之亂

孫曰建中四年十月涇原節度使姚令言反推朱泚為主準時為卻

寧掌書記以謀佐其節度使韓遊瓌破賊有功

以謀畫佐元戎常有大功累加

大理評事御史賜緋魚袋換節度判官轉殿中侍御史

府喪罷職

孫曰貞元十二年五月却寧節度使張獻甫卒

後遷侍御史為浙東

廉使判官

孫曰十八年正月以常州刺史賈全為浙東觀察使以準為判官

撫循罷人

罷音疲

按驗汙吏吏人敬愛厥績以懋粹然而光聲聞于

上召以為翰林學士

孫曰二十一年正月自浙東召為翰林學士

德宗崩邇

臣議秘三日乃下遺詔君獨抗危詞以語同列王伾畫

其不可者十六七乃以旦日發喪

韓曰癸巳德宗崩甲午發喪

六師

萬姓安其分遂入為尚書郎

韓曰遷尚書郎官員外郎

仍以文章侍

從由本官叅度支調發出納姦吏衰止

孫曰王叔文燕度支鹽鐵副使

以準佐其府一作姦

以連累出和州降連州

孫曰永貞元年九月

利又一誤作姦和

自都官員外郎貶和州刺史十一月再貶連州司馬員外置同正員

居母喪不得歸而二

弟繼死不食哭泣遂喪其明以沒蓋君之行事如此其

報應如此夫人高氏在越孤四人南仲殷仲在夫人所

未至執友河東柳宗元哀君有道而不明白於天下離

金史卷之八
愍逢尤天其生且又同過

見題注

故哭以為志其辭哀焉

銘曰

噫凌君生不淑學孔氏揚芬郁好謀謨富天祿讎禁書

孫曰謂準嘗為崇文館校書郎

贊推轂

孫曰謂為鄒寧掌書記

觀靈龜獲貞卜徙

東越翊明牧

韓曰為浙東觀察判官

罷人蘇汚吏覆升侍從躬啓

沃宦危疑興大福吏尚書徒隸肅佐經邦財用足道之

躋

音致

身則辱烏江垂

重曰烏江和州

九疑麓

重曰九疑連州山名

仍禍凶

遭茲酷能知命無怨毒罪不泯死猶倖

音戮

何以葬南嶺

曲魂有靈故鄉復封茲壞歸骨肉為之銘志陵谷

故連州員外司馬凌君墓後誌

元和某年月日立太子赦下

集注韓曰元和四年立太子寧王驊赦孫曰元和七

年六月立遂王宥為皇太子降德音二說未詳孰是

嘗有非其罪柩得返葬凌氏

孤夷仲求仲自連桂陽舉其先人之柩龜筮吉利某年月歸于杭之新城祔于其墓刻前志志其行益以後志志其時立碣于墳東南隅申志于外噫亦勤矣以其先人之行宜克大于後以其孤之志宜克承于初艱其躬

以延于無窮承而大宜哉

故嶺南鹽鐵院李侍御墓誌

天寶中詔李氏由涼武昭王以下

韓曰涼武昭王名嵩字玄盛唐高祖其七

世孫也

皆得籍宗正故沂州刺史福以姑臧人

童曰姑臧郡涼州

附屬於寧岐為族

韓曰寧王憲岐王範皆玄宗弟

曾祖生樂壽令昱昱

生瓠州司馬叶世以儒聞叶生監察御史澣字濯纓明

兩經仕歷永興臨晉尉會天子方事誅伐南平蔡

韓曰元和

十二年十北服趙

韓曰十三年四月成德軍節度使王承宗以德棣二州歸于有司

西

走戎

補注戎謂吐蕃

東討齊魯

孫曰東平節度使李師道

五年間兵征卒戍

糴行千里凡進用唯財賦為難君以試大理評事佐荆

南兩稅使督天下諸侯之半調食饒給車擊舟連

今本擊字

誤作繫。連字或作運

又守湖南鹽鐵轉運院以能遷官移嶺南

益積功勞以介厲敦勤為率羣吏先

一無率字

年五十三元

和十三年月日卒妻廬江何氏凡五世世鄭出父曰士

諤季父曰士幹

孫曰士幹永泰二年及進士第累為蒲鎮

有大名君之子二

人曰夔曰導女一人曰某夔導皆幼不能事何夫人哭

且戒樞行萬里人咸觀其禮焉葬伊闕用明年某月日

甲子銘曰

涼為帝基

孫曰涼即謂涼武昭王

克顧厥脣皇弘國牒四邑顯進

沂以屬尊世仕倚儒憲憲濯纓亦用學徒既穀既官式

懋爾勞四方用師卒食之饒致其廉介率是諸侯于荆

于交

孫曰任荆南兩稅使

關石是鈞

孫曰書關石和鈞三十斤為鈞四鈞為石

邦有休

功惟吏之勤冀施于大以盡其有孰司壽夭君不克久

吉日來祔伊闕之墓子嗣孫承有達宜興

孫曰昭七年左氏聖人有

明德者若不當世
其後必有達人

銘詔于神永永是徵

五百家註唐柳先生集卷十

欽定四庫全書

五百家註柳先生集卷十一

墓誌

故試大理評事裴君墓誌

韓曰君之諱字考之史表皆不詳元和十四年卒誌亦是時作也

裴氏之昭

韓曰說文廟昭穆父為昭南面子為穆北面孫從父坐昭音韶曰贈戶部尚

書諱某

孫曰諱守真

穆曰起居郎諱某

孫曰諱僑卿

生均州刺史

諱某

孫曰諱叔猷

均州與其弟大理

孫曰大理名伯言為刑部員外郎贈大禮卿

更為刑部郎用文史名於朝善杜禮書長子曰某

長子叔猷

之長射進士策不中去過汴韓司徒弘迎取為從事

韓曰

弘為汴州刺史宣武軍節度使

以聞拜太子通事舍人進大理評事當

伐蔡及鄆汴

孫曰蔡謂吳元濟鄆謂李師道汴當作州字之誤也

當為軍首贊佐

有勞既事將侍太夫人于京師道發疽

子余切

元和十四

年月日終於河南敦厚里年若干字曰某弟某以其喪

歸葬于某縣某里未果娶有男子二人女一人男之長

曰某通兩經始杖且廬銘曰

世守不遷秀于士鄉不利有司爰客于梁

孫曰謂射進士策不中去

為汴州從事

梁委其躬乃相戎政宮臣理屬

孫曰宮臣謂為太子

通事舍人理屬進大理評事也

仍受國命南蔡北曹

孫曰北曹亦李師道也師道有郾曹

濮等十

五載首兵柔剛輔理平視太平馬牛既寧

韓曰謂放

牛歸馬皆獲安寧也

告養于京

補注即上云將侍太夫人于京師

棧車草草我來

周道

童曰詩有棧之車行彼周道棧車後車也周道洛陽○棧仕諫切

載飢載勞神奪

其孝形經于洛魂其馬如庶終爾誠陰侍里閭膳飲不

違有弟之恭既安且盈厥志斯從銘之故人以慰爾衷

故大理評事柳君墓誌

注具本篇

晉之亂柳氏始分曰耆為汝南守居河東

孫曰耆父景猷晉侍中有

二子長曰耆為汝南太守少曰純為平陽太守

又五世曰慶相魏

孫曰耆子恭後趙河東太

守恭曾孫緝宋州別駕宋安郡守緝子僧習與豫州刺史裴叔業據州歸魏為揚州大中正僧習子慶字更興

後魏侍中左僕射

魏相之嗣曰旦

孫曰旦字匡德

仕隋為黃門侍郎其

小宗曰楷

韓曰禮記別子為祖繼別為宗繼禰者為小宗孫曰旦二子長曰則次曰楷以其居次故

為小宗至于唐刺濟房蘭廓四州楷生夏縣令府君諱繹

繹生司議郎府君諱遺愛皆葬長安少陵原遺愛生御

史府君諱開葵南陽其嗣曰寬字存諒讀其世書揚于

文辭南方之人多諷其什頗學禮而善為容

童曰漢儒林傳徐生

善為容容謂容貌威儀之事

脩吏事始仕家令主簿進左驍衛兵曹

試大理評事為嶺南節度推官荆南永安軍判官府罷

為游士出桂陽

童曰桂陽郡郴州

下廣州中厲氣嘔泄卒於公

館元和六年八月七日也年四十七前娶琅邪王拱子

拱國子祭酒後娶河東裴陵子陵告成令裴氏之出曰

裴七君之從弟以君之喪歸過零陵哭且告于宗元曰

吾伯兄從事嶺南其地多貨其民輕亂能以簡惠和柔
匡弼所奉假守支郡海隅以寧關狠仇怨敦諭克順從
公于荆綏戎永安仍專郡治政用休阜是時蜀寇始滅

韓曰蜀
寇劉闢

邦人瘡痍懷君之澤咸忘其痛其理也惠而不

施之於大其行也和而不至于年其言也文而不顯其
聲今將以某月日祔葬苟又不得令辭而誌焉是無以
蓋前人之大痛敢固以請嗚呼余懼辭之不令以為神
羞余敢不諾銘曰

柳族之分在北為高充于史氏世相重侯

孫曰自慶以下四世為相

封中書之世實曰蘭州

童曰蘭州謂楷

夏縣政良

童曰夏縣謂繹

司議

德優

童曰司議謂遺愛

營營御史

童曰御史謂開

乃佐元侯惟君是嗣

其政克脩儲闡補吏

韓曰謂為家令

環衛分曹

韓曰謂為

左南

越之龐從事以寧永安披攘薦仍于兵是董是經既桑

且平浩浩呻呼草為和聲胡不使壽而奪之齡挺于海

孺

童曰孺城下田也。孺而緣切。柅一作挺。

墮于鄧邦

孫曰墮塹穴也。謂柅。墮南陽。墮苦謗切。

厥弟孔哀惟行之恭呱呱小子

孤

縵而不廬

縵音。崔

充

充令妻髻首而居

張曰禮記男子免而婦人髻鳥獸號

鳴助我踟躕

孫曰禮記鳥獸喪其羣匹越月踰時則必反巡過其故鄉鳴號焉踟躕焉乃能去之

刻此悲辭藏之奧隅

韓曰爾雅西南隅謂之奧

故秘書郎姜君墓誌

秘書郎姜寧

音諤或作寧

字某開元皇帝外孫也

韓曰寧母

平公始楚國公皎與上游益貴幸

孫曰皎與玄宗有龍潛之舊先天二年預

誅竇懷貞等以皎為銀青光祿大夫工部尚書封楚國公子慶初得尚某公主

韓曰皎子

慶初生未晬玄宗許尚主後淪落二十年李林甫為相即皎之甥從容奏之天寶十載詔慶初尚主授駙馬都

尉生寧寧生三日上曰他物無以餉吾孫即勅有司以

第六品告與緋衣銀魚得通籍出入凡名是官七十某

年終不徙然其間在蜀漢荆楚以大諸侯命守州邑輒

以勞稱時缺則復命好遊嗜音以生富貴畜妓能傳宮

中聲賢豪大夫多與連歡後加老風病手足奇右

奇音畸

可用不能就官士有載酒來則出妓搏髀笑戲

髀音股也

觀者尚識承平王孫故態

他代切

元和十四年月日終桂

州都督御史中丞裴公曰

孫曰桂管觀察使裴行立

噫帝戚也葬不

可以廉為具物祭以豚酒月日葬州東南一里子某年
若干母曰雷姬銘曰

始賤終貴於世為遂幼榮老窮在物為凶均之得喪誰
缺誰豐若君者銀朱於始生鐘鼎以及壯不矍矍於進

取

童曰矍矍疾走貌矍居縛切

不施施於驕伉左絃右壺樂以自放

雖老而客死未嘗戚乎已與夫拳拳恐悻蒙諂負義得
之拘拘榮不益愧以終其身而不能止者不猶優乎

亡友故秘書省校書郎獨孤君墓碣

嗚呼有唐仁人獨孤君之墓祔于其父太子舍人諱助之墓之後自其祖贈太子少保諱問俗而上其墓皆在灞水之左

韓曰灞水出藍田谷北入渭隸長安。灞音霸

今王父營陵於其側

故再世在此嗚呼獨孤君之道和而純其用端而明內之為孝外之為仁默而智言而信其窮也不憂其樂也不淫讀書推孔子之道必求諸其中其為文深而厚尤慕古雅善賦頌其要咸歸于道昔孔子之世有顏回者能得於孔子後之仰其賢者譬之如日月而莫有議者

焉嗚呼獨孤君之明且仁如遭孔子有兩顏氏也今之

世有知其然者乎知之者其信於天下乎

一本作今之世有知其然

者其信於天使夫人也天而不嗣世之惑者猶曰尚有

下乎少四字

天道嘻乎甚耶君諱申叔字子重年二十二舉進士

孫

貞元十三年申叔中進士又二年用博學宏詞為校書郎又三年居

父喪未練而沒

孫曰禮記三日而食三月而沐期而練練小祥也

蓋貞元十八

年四月五日也是年七月十日而葬鄉曰某鄉原曰某

原嗚呼君短命行道之日未久故其道信於其友而未

信於天下今記其知君者于墓韓泰安平南陽人李行

謚元固其弟行敏中明趙郡贊皇人柳宗元河東解人

崔廣畧清河人

餘人皆有名字此獨言廣畧當是脫誤

韓愈退之昌黎人

王涯廣津太原人呂溫叔東平人崔羣敦詩清河人

劉禹錫夢得中山人李景儉致用隴西人嚴休復玄錫

馮翊人韋詞致用京兆杜陵人

故襄陽丞趙君墓誌

集注趙公矜之死自貞元十八年至元和十三年凡十七載之久來章乃能求於人所不知者

而歸之公此誌非以神
其事所以大其孝也

貞元十八年月日天水趙公矜

孫曰其先河南新安人

年四十二

四或作三

客死于柳州官為斂葬于城北之野元和十三年

孤來章始壯自襄州徙行求其葬不得徵書而名其人
皆死無能知者來章日哭于野凡十九日唯人事之窮
則庶於卜筮五月甲辰卜秦詡

直燕切晏本作利

兆之曰金食

其墨而火以貴其墓直丑在道之右南有貴臣冢土是

守

孫曰書宜于冢上冢土社神

乙巳于野宜遇西人深目而髯其得

實因七日發之乃觀其神明日求諸野有叟荷杖而東

者

荷檐也

問之曰是故趙丞兒耶吾為曹信

一云於是

是邇吾

墓噫今則夷矣

夷平也

直社之北二百舉武

孫曰禮記堂上接武堂下

布武武迹也

吾為子藪焉

童曰說文會朝束茅表位曰藪春秋置茅藪表坐。藪子悅切

辛

亥啟土有木焉發之緋衣緇衾

孫曰周禮三入為纁五入為緇青赤色。緇將

反凡自家之物皆在州之人皆為出涕誠來章之孝神

付是叟以與龜偶不然其協焉如此哉六月某日就道

月日葬于汝州龍興縣期城之原夫人河南源氏先歿

而祔之矜之父曰漸南鄭尉祖曰倩之鄆州司馬曾祖

曰弘安金紫光祿大夫國子祭酒

孫曰弘安弟弘智唐史有傳

始矜

由明經為舞陽主簿蔡師反

韓曰貞元十五年淮西節度使吳少誠反

犯難

來歸擢授襄城主簿賜緋魚袋後為襄陽丞其墓自曾

祖以下皆族以位

孫曰周禮墓大夫令國民族葬而掌其禁令正其位掌其度數注令族葬

各從其親位謂昭穆也

時宗元刺柳用相其事哀而旌之以銘銘

曰

訓也挈之

韓曰挈謂鎖龜也。挈音契

信也蒞之有朱其紱神其列

之懇懇來章神實恫汝

恫痛也音通

錫之老叟告以兆語靈

其鼓舞從而父祖孝斯有終宜福是與百越蓁蓁

音蓁

鬼相望

重曰羈鬼謂羈旅而亡者相望在外而望還也望音忘

有子而孝獨歸故

鄉涕盈其銘旌爾勿忘

故溫縣主簿韓君墓誌

有唐故溫縣主簿

一本作有故唐溫縣主簿

韓慎字某漢弓高侯其

先也

韓曰韓王信子額當封弓高侯

徙于南陽傳世至今唐侍中諱瑗

韓曰瑗字伯玉高祖時為相

克用貞亮奮于國難侍中兄子郢州刺史

史諱某某生御史著作郎諱某某生尚書庫部郎中萬

州刺史諱某

郢州著作郎萬州刺史史皆不詳其名字

嗣以文行大其家業

君萬州長子也

孫曰萬州三子慎登泰

以父任為建陵挽郎

童曰肅宗

山陵曰建陵

累調授王府叅軍襄州襄陽尉至于是邑貞元

十六年又調于天官署河陽丞未拜十有一日暴病卒

于長安永崇里先人之廬又十有一日龜策襲吉

孫曰襲因

也謂龜筮皆吉

祔于咸陽洪瀆原先人之墓禮也先三日外姻

家老

孫曰左氏傳士踰月外姻至

謀為之志季弟泰

韓曰泰字安平亦為祠部郎中

哀不能文故託于友焉嗚呼生也以其弟之恭知君之
為友沒也以其弟之戚知君之為愛惟友愛出于孝移
于忠施于人事無往不達余故得受其辭書于石曰

友而愛而忠孝宜之貌稱其行行稱其詞賤而不壽為善

是悼祔于祖考初筮攸告

童曰易初筮告再三瀆瀆則不告

季也之純

寘哀無垠終窶且貧

童曰詩終窶且貧窶也。窶郡羽切

控于仁人備

物稱家

孫曰禮記子由問喪具子曰稱家之有無

其儀式陳爰相其悲載刻

茲珉

東明張先生墓誌

韓曰張因死於封時公在永封與永近故其徒從公誌墓

東明先生張氏曰因嘗有以文薦於天子天子策試甚

高

孫曰因舉詔策

以為長安尉一年投去印綬願為黃老術詔

許之

孫曰因乞為道士上許之

居東明觀三十餘年受畢法道行峻

異得衆真秘書訣錄

錄籍也

聚經籍圖史侔於麟閣

孫曰漢有

麒麟閣藏書之府

以弟回降秩封州先生曰吾老矣支體不可

解也遂從以去明年回之子襲死哭之慟遂病既亟以

命回曰吾生天寶訖貞元乙酉歲十月

韓曰乙酉當是貞元二十一年

今死于汝之手盈吾志矣京師吾生矣畢原先人之歸

也

孫曰畢原在長安文王所葬處

必以返葬乃自為誌而卒明年正月

某日葬如其言弟子某等為碑以誌于墓辭曰

匪祿而康匪爵而榮漢馬以虛充焉以盈言而不為華

光而不為名介潔而周流苞涵而清寧幽觀其形與化

為冥寂寞以成其道是以勿嬰世皆狂狂奔利死名不

能浩浩端一以生或曰先生友悌以遁慈幼以死若不

能忘情者何耶吾曰道去友耶去慈耶從容以求其得

之耶盪莽狼悻

悻亦狠也盪音蕩狠下懇切悻下耿切舊本作宰胥山沈晦謂當作悻

道

之非耶且夫虧恩壞禮枯槁顛顛

上音熬下音萃隳聖圖壽

隳音翹

規切離中就異歛然與神鬼為偶

童曰歛說文云有所吹起。歛許勿切頑

然以木石為類倥侗而不實

倥侗音空同

窮老而無死先生

之道固知異夫如此也乃書于石以紀

虞鳴鶴誄

并序

維某年月日前進士虞九皋字鳴鶴終于長安親仁里

既克葬于高陽原二三友生皆至於墓哀其行之不昭
于世追列遺懿求諸后土申薦嘉名實曰恭甫乃作誄

曰

吳虞之分

孫曰史記武王克殷封太伯之後為吳宅上二國其一虞在中國其一吳在蠻夷

陽

韓曰僖五年左氏晉侯圉上陽注上陽號所都今云虞宅上陽未詳

其後優游在越為

鄉

童曰虞氏世為會稽人會稽越國

延詡輔漢

孫曰後漢永平三年延尉八年為司徒十

四年自叔延字子大陳留東昏人順帝時詡官恢定封尚書令詡字升卿陳國武平人。詡況甫切

疆東徙之賢時惟仲翔

韓曰吳志虞翻字曰預曰喜在仲翔會稽餘姚人

晉克彰

韓曰虞喜字仲寧弟預字叔寧翻之族也

義篤斯文有苾其芳

童曰說文

苾馨香也。苾必蒲結二切

秘書多能垂耀于唐

孫曰世南字伯施太宗時為秘書少

監

泊于漢陽世德以昌

孫曰漢陽沔州郡名九

卬贊尚

父

孫曰九臯父當為郭尚父從事

休徵用揚惟我先君並時翱翔

上牛切

下音

洽主記室

孫曰郭尚父居朔方公父鎮為記室與當同在幕府

蔚其輝光實

契伯仲永永不忘漢陽元子實紹其美傳襲儒風彪炳

文史克恭以孝惟禮是履譽洽于鄉論為秀士

童曰禮命鄉論

秀士注秀士鄉大夫所考有德行道藝者

百郡之選叢于京師昧沒騰籍乘

凌蔽欺生之始至則奮其儀退默以謙

默然一作然

人悅而隨

名卿是挈先進咸推方出羣類振耀于時禍丁舅氏漂
淪海沂捧訃號呼匍匐增悲喪有幼主禮或多違孰徇
于名而不是思投袂就道乘艱若夷竭誠喪具申敬裳
帷萬里來復祇祔于墓遽不凌節儉而有度由其溫恭
守以貞固行道咨嗟觀禮興慕復從鄉賦煥發其華克
不再舉聞于邦家倚閭千里歡咏斯多姻族盈門載笑
且歌君之不淑名立志沮慶歸其鄉身終逆旅生死已

間壽觴方舉賀書在途委骨歸土哀歡易地弔慶交戶

神明不仁降此大苦嗚呼哀哉惟昔夏首羈貫相親

孫曰

鎮為岳鄂都團練判官當為沔州刺史故公與九臯相善夏口鄂州也羈貫卅角也韓曰穀梁子云子生羈貫

成童不就師傅父之罪也貫與卅同

通家修好講道為鄰既冠于祚

音思

致其身升于司徒

韓曰王制命鄉論秀士升之司徒曰選士

及爾繼年

孫曰貞元

九年公舉進士

交歡二紀莫間斯言愉乎其和確爾其堅更為

砥礪

砥音絀

咸去韋弦

童曰西門豹以性剛急常佩韋以自戒童安于以性寬緩常佩弦以

警今則遽已吾其缺然嗚呼哀哉誅行謀謚

誼行之迹也音示

惟古之道生而無位沒有其號惟是友生徘徊顧悼爰

用壹惠

孫曰表記先王諡以尊名節以益惠恥名之浮於行也

幽明是告溫溫其

恭惟德之經先民有作今也是旌嗚呼恭甫欽此嘉名

故處士裴君墓誌

河東聞喜裴君

童曰聞喜縣名在唐屬絳州裴君諱字不可得而考

諱某字某好

學未仕年若干元和十四年月日終於京兆渭南墅

童曰

墅田廬也墅承與切

君之弟中丞公督桂州命其僚柳宗元

孫曰

元和十二年以御史中丞裴行立為桂州都督桂以銘管觀察使公時為柳州刺史其管內也故云其僚

君之出河間邢羣以狀來告曰曾祖諱某

孫曰諱守真

寧州

刺史贈戶部尚書祖諱某

孫曰諱僑卿

起居郎父諱某

孫曰諱伯

言尚書刑部員外郎議官及浮圖事獨出載在史冊以

八使行天下當河北道疑危頑很難處分之地

分扶問切一元

分用天子命制斷得宜於時為第一

孫曰建中元年二月命黜陟使十一

人分巡天下刑部員外郎裴伯言為幽東澤潞磁邢等道黜陟使

天下皆仰以為相會

疾終再贈至大理卿長老咸曰裴氏世積德起居丞相

弟也

孫曰丞相名耀卿字煥之事玄宗為丞相

以文史用大理名世人也咸

聞而不大君以友悌慤植承其休幽光而不揚豈天鍾
美於中丞嗇而不克並耶不然君無位以天其可問哉

君前娶韋氏成都少尹士謨女生二子字曰某名曰某

字名二
字誤

以文敏中丞公尤愛幸恒從不幸卒于桂林某

舉明經後娶于薛氏無子父窠位卑是年月日葬渭南

某里遷韋夫人之喪

韋字諸
本作泰

自萬年來有俟猶異室銘

曰

疇之沃沃

童曰說文疇
耕治之田

宜其嘉穀有耕有耨同施異祿

明昭次穆

昭音韶

丞相之族尚書之孫大理之門有慶實

延宜碩而繁不位不年晦于丘園懿懿大理惟德之元

摧佞抑釋太史是論

孫曰即上云議官及浮圖事載黜在史冊也摧佞俗本作權佞誤

陟冀幽邦命以尊神嗇豐福不棄于君渭之洋洋爰墓

其南孝思是懷祖考之依郡人作銘惟相其哀

一作不并于君

覃季子墓銘

童曰本篇

云永州作

覃季子其人生愛書貧甚尤介特不苟受施

施智切讀經

傳言其說數家推太史公班固書下到今橫豎鉤貫

音堅

樹又且數十家通為書號覃子史纂又取鬻老管莊子

思晏孟下到今

孫曰鬻子書名名熊為周師自文王以下問馬漢志鬻子二十二篇○鬻音育

其術自儒墨名法

韓曰漢志有儒墨名法等九流

至於狗彘草木凡有

益於世者為子纂又百有若干家篤於聞不以仕為事

黜陟使取其書以氏名聞

孫曰建中元年二月遣黜陟使十一人分巡天下除

太子校書某年月日死永州祁陽縣某鄉將死歎曰寧

有聞而窮乎將無聞而豐乎寧介而躋乎

致音

將溷而

欽定四庫全書

五言集卷十一

遂乎

涸胡因切

葬其鄉

孫曰其鄉所死之鄉也

後若干年柳先生來求

州戚其文不大於世求其墓以石銘銘曰

困其獨豐其辱

續榮澤尉崔君墓誌

韓曰前誌贈太傅崔公祐甫為之祐甫既卒而未克葬故公續誌以書其緩葬之故云

太傅公既志榮澤君之葬明年為中書侍郎同中書門

下平章事以卒

孫曰大歷十四年閏五月以河南少尹崔祐甫同平章事明年建中元年六月

卒贈太傅○一本云卒贈太傅無以字

榮澤君之嗣曰膺備物具貨入于

汴汴陷于戎

孫曰四年十二月淮西
節度使李希烈陷汴州

喪焉不果行會世

難不幸膺亦死膺之亞曰太素

孫曰太素
膺之弟

仕至雲陽令

求其志將行謫南海上元和九年移信中

一作
州

猶有累

不克如其鄉大懼緩慢茲久哭命其子某以某月日啟
君之喪至于某葬用某月甲子志用太傅公之辭又命
河東柳某書緩故且志終事之年月日

五百家註柳先生集卷十一

欽定四庫全書

五百家註柳先生集卷十二

墓誌

先侍御史府君神道表

韓曰公永貞元年八月謫永州司馬明年元和改元先夫人卒于永明年歸祔于侍御之墓表當作于是時

嗚呼先君之墓仲父殿中君誌焉

韓曰殿中君即公為作墓表及墓版文所

謂叔父殿中侍御史者是也墓表及版文皆不載其諱唐宰相世系表亦止曰某朔方營田副使殿中侍御史故

其名不
得考焉

孤宗元不敢稱道先德然而無以昭于外者用

敢悉取仲父之所陳而繫其辭

孫曰繫辭者謂繫屬於
正文之下猶易繫辭之

義刻茲石表先君諱鎮字某六代祖諱慶後魏侍中平

齊公

孫曰慶字更興河東
解人魏尚書左僕射

五代祖諱旦周中書侍郎濟

陰公

孫曰慶四子機弘旦肅旦
字達德仕隋為黃門侍郎

高祖諱楷

孫曰旦三
子變則楷隋

隋

刺濟房蘭廓四州曾伯祖諱奭

施隻切

字子燕唐中書令

孫曰則子奭高宗永徽三年三月為中書令韓曰奭為
侍御曾祖則當為公高伯祖矣新史公傳及韓文公為

公作墓誌皆云曾
伯祖若有誤焉

曾祖諱子夏徐州長史

孫曰楷二子
長曰子夏次

曰祖諱從裕滄州清池令皇考諱察躬孫曰察躬弟湖

州德清令世德廉孝賜于河澍孫曰詩在河之澍澍涯也柳氏世家河東故云

○颺音陽又餘亮切士之稱家風者歸焉先君之道得詩之羣重曰

詩可羣書之政重曰漢太史公傳書記易之直方大重曰

六二直方大春秋之懲勸重曰左氏春秋之稱微而顯

懲惡而勸善以植于內而文于外垂聲當時天寶末經術高

第遇亂奉德清君夫人孫曰德清君夫人鎮母也戴家書隱王屋山

間行以求食深處以修業作避暑賦合羣從弟子姪講

春秋左氏易王氏衍衍無倦

衍空旱切又噓旱切

以忘其憂德清

君喜曰茲謂遯世無悶矣

童曰易不易乎世不成乎名遯世無悶遯逃也

亂有

間舉族如吳無以為食先君獨乘驢無僮御以出求仁

者冀以給食嘗經山澗水卒至流抵大壑得以無苦被

濡塗以行無愠容觀者哀悼而致禮加焉季王父六合

君忤貴臣

忤逆也音誤

死於吏舍猶鞠其狀先君改服徒行

逾四千里告于上由是貸其問既而以為天子平大難

發大號且致太平人罹兵戎農去耒耜宜以時興太學

勸耦耕

童曰並二耜而耕曰耦耕

作三老五更議

孫曰禮記文王世子天子視學設三

老五更之位鄭注云三老象三辰五更象五星蔡邕云三老三人五更五人更當為叟叟老稱

籍田書

齋沐以獻道不果用授左衛率府兵曹叅軍尚父汾陽

王居朔方

韓曰尚父郭子儀為朔方節度使

備禮延望授左金吾衛倉

曹叅軍為節度推官專掌書奏進大理評事以為刑法

者軍旅之楨幹

童曰書峙乃楨幹注云題曰楨旁曰幹。楨音貞

斥候者邊鄙

之視聽不可以不具作晉文公三罪議

補注僖二十九年左氏晉文公

殺顓頊初購舟之倚君子謂文公能用刑矣三罪而民服

守邊論議事確直世不能

容表為晉州錄事叅軍晉之守故將也少文而悍酣嗜殺戮吏莫敢與之爭先君獨抗以理無辜將死常以身扞笞篋拒不受命守大怒投几折簣音責而無以奪焉以為自下繩上其勢將殆作泉竭木摧詩終秉直以免于恥調長安主簿居德清君之喪哀有過而禮不逾為士者咸服服既除常吏部命為太常博士

韓曰常吏部名表

先君

固曰有尊老孤弱在吳願為宣城令三辭而後獲徙為

宣城四年作閬鄉令

張曰閬弘農鄉名閬音聞又音珉

考績皆最吏人

懷思立石頌德遷殿中侍御史為鄂岳沔都團練判官

元戎大攘狡虜增地進律作夏口破虜頌後數年登朝

為真會宰相與憲府比周誣陷正士

陷一作諂

以校私讎

孫曰

貞元四年陝虢觀察使盧岳卒岳妻分貲不及妻子妾訴之御史中丞盧侶欲重妾罪侍御史穆贇不聽侶與實參共誣贇受金捕送獄有擊登聞鼓以聞于上上命先君總三司

以聽理至則平反之

孫曰鎮時為殿中侍御史詔鎮與刑部員外郎李觀大理卿楊瑞為

三司覆治無為相者不敢恃威以濟欲為長者不敢懷

私以請問羣冤獲宥邪黨側目封章密獻歸命天子遂

莫敢言逾年卒中以他事

中丁仲切

敗夔州司馬

逾年卒中以他事

敗鎮夔州司馬

作鷹鷂詩居三年醜類就殛拜侍御史

貞元八年四月

參得罪復以鎮為侍御史

制書曰守正為心疾惡不懼先君捧以流涕

曰

此本太史公自叙云遷俯首流涕曰云云前賢文章必有祖法

吾唯一子愛甚方謫

去至藍田訣曰吾目無涕今而不知衣之濡也抑有富我

哉作喜霽之歌副職持憲以正經紀貞元九年宗元得進

士第上問有司曰得無以朝士子冒進者乎有司以聞上

曰是故抗姦臣竇叅者耶吾知其不為子求舉矣是歲五

月十七日終于親仁里第享年五十五七月某日葬于萬

年縣棲鳳原後十一年宗元由御史為尚書郎

為尚書禮部員外郎

天子行慶于下申命宗贈而有司草創頗緩會宗元得罪

遂寢不行太夫人范陽盧氏某官某之女實有全德為九

族宗師用柔明勤儉以行其志用圖史箴誠以施其教故

二女之歸他姓

鎮二女長適崔爾次適裴瑾

咸為表式太夫人既授

封河東縣太君會冊太上皇后于興慶宮

永貞元年八月憲宗尊其

母良娣王氏為太上皇后

既乃宗元貶秩

乃一作及

為永州司馬奉侍溫清

未嘗見憂元和元年五月十五日終于州之佛寺享年六十八嗚呼宗元不謹先君之教以陷大禍幸而緩于死既不克成先君之寵贈又無以寧太夫人之飲食天殛荐酷名在刑書不得手開玄堂以奉安祔罪惡甚大世無所容尚顧嗣續不敢即死支綴氣息以嚴邦刑大懼祭祀之無主以忝盛德敢用特牲昭告神道號叫萬里以畢其辭云

先君石表陰先友記

東坡云柳子厚記其先友六十七人于其墓碑之陰攷之于傳卓然知名者蓋二十人補注陳

長方云子厚先友記過用孔子七十弟子傳體

袁高河南人

孫曰高字公頤
滄州東光人

以給事中敢諫爭貞直忠

蹇舉無與比

孫曰貞元元年正月德宗欲用吉州長史盧杞為饒州刺史命高草詔書高不

從改命舍人草之制出高執之不能使所居官大再

贈至禮部尚書

孫曰憲宗朝宰相李吉甫言高忠蹇特贈禮部尚書見袁恕已傳

姜公輔

孫曰愛州日南人

為內學士以奇策取相位

孫曰公輔為翰林學

士朱泚叛從帝幸奉天屢獻奇策建中十四年十月自諫議大夫同平章事

好諫諍免

孫曰

從辛山南唐安公主薨主上之長女也詔厚其葬公輔諫曰即平賊主必歸葬今行道所宜從儉以濟軍興帝怒興元元年四月罷為太子左庶子後以罪貶為復州刺史卒孫曰貞元

八年十一月敗公輔為吉州別駕順宗立拜吉州刺史未就官卒韓白公輔史有傳

齊映南陽人

孫曰映映州高陽人今作南陽誤

為相

孫曰貞元二年正月以映為同平章

事

以文敏顯用

有傳

嚴郢河南人

孫曰郢字叔教華州華陰人

剛厲好殺號忠能為京兆

河南尹

孫曰大厯十四年三月自河南尹水陸轉運使為京兆尹

御史大夫

孫曰建中

二年七月楊炎罷相盧杞引為御史大夫

善舉職為邪險構扇以貶死

孫曰

是歲十月炎自左僕射貶崖州司馬杞用
鄧炎罷內忌之因事出為貴州刺史有傳

元全柔

孫曰後魏孝文皇帝之後

河南人氣象甚偉好以德報怨恢

然者也為大官有土地

孫曰建中二年九月自杭州刺史拜黔中觀察使貞元二

年四月遷湖南觀察使

入為太子賓客

杜黃裳京兆人

孫曰黃裳字遵素京兆杜陵人寶應二年中進士第

弘大人也善

言體要為相

孫曰貞元二十一年七月自太常卿平章事

有牆仞不佞以

謀克蜀

孫曰劉闢作亂議者以劍南險固不宜生事唯黃裳堅請討除憲宗從之

加司空

出為河中節度

孫曰元和二年正月罷相為河中節度使有傳。一本作加河中節度無

司空出
為四字

劉公濟河間人厚寬碩大與物無忤為渭北節度

孫曰貞元

十八年十一月自同州刺史拜渭北鄜坊節度使

入為工部尚書卒

孫曰二十年正

月召為工部尚書頃之卒

楊氏兄弟者弘農人皆孝友有文章。憑

孫曰憑字虛受一字嗣仁

由江南西道

孫曰貞元元年十一月自湖南觀察使移鎮江西

人為散騎常

侍

孫曰自江西召為左散騎常侍

凝

孫曰字懋功

以兵部郎中卒

孫曰貞元

十八年拜兵部郎中卒附楊憑傳

凌

孫曰字恭履

以大理評事卒最善

文

穆氏兄弟者河南人

孫曰懷州河內人

皆強毅仁孝。贊為御

史中丞捍佞倖得貶

孫曰贊字相明擢累侍御史陝

子妾訴之盧侶欲重妾罪贊不聽侶與宰相竇參共誣贊受金捕送獄第賞上寃狀詔三司覆治無之出

為郴州刺史

後至宣池歙處置使卒

孫曰永貞元年八月自常州刺史拜宣歙

池觀察處置使十一月卒

○質為尚書郎以侍御史內供奉卒最

善文

附穆寧傳

皇甫政河南人有威儀由浙東廉使為太子賓客

孫曰貞元

欽定四庫全書

王正身
卷十二

八

二年正月自宣州刺史為浙東觀察使十三年三月入為太子賓客

裴樞同郡人為御史天子以隱罪誅吏樞頓首願白其

狀以故貶後為尚書郎

附裴遵慶傳

李舟

孫曰舟字公度

隴西人有文學俊辯高志氣以尚書郎使

危疑反側者再不辱命

孫曰建中元年四月涇原別駕劉文喜據州叛命舟往使

文喜囚之五月文喜將劉海賓殺文喜降二年梁崇義欲為變舟時為金部員外郎遣詣襄州諭旨以安之諸道跋扈者謂舟能覆城殺將及至襄州崇義惡之上言軍中疑懼請易以他使其道大顯

被讒妬出為刺史廢癩卒

李鄴江夏人

孫曰鄴字建侯揚州江都人

果檢自負竊然善為官為

御史中丞京兆尹

孫曰順宗登極拜御史中丞永貞元年十月遷京兆尹元和元年二

月召為尚書右丞八月復為京兆尹

鳳翔節度

孫曰二年六月拜檢校禮部尚書鳳翔尹鳳翔

隴右節度

使有傳

梁肅安定人

孫曰肅字敬之一字寬中隋刑部尚書毗五世孫世居陸渾

最能為文

一作最號能為文

以補闕修史侍皇太子

孫曰為皇太子諸王侍讀

卒贈

禮部郎中

有傳

陳京

孫曰京字慶復陳宜都王叔明五世孫大歷六年中進士第

泗上人始為諫官

數諫諍

孫曰德宗自奉天還京師擢京左補闕屢有諫諍

有內行文多詰訓

為給事中上方以為相會惑疾

惑一作感

自刃發瘡卒

孫曰

帝器京謂有宰相才欲用之會病狂易自刺弗殊再遷給事中卒見宰相表

韓會昌黎人善清言有文章名最高然以故多謗至起

居即貶官卒

孫曰大歷十六年四月自起居舍人貶韶州刺史卒見宰相年表

弟

愈文益奇

有傳

許孟容吳人

孫曰孟容字公範京兆長安人大歷十一年中進士第

讀書為文口

辯為給事中嘗論事由太常少卿為刑部侍郎

孫曰貞元

中以諷諭太切改太常少卿
元和初遷刑部侍郎有傳

李觀

孫曰大歷二年觀舉進士第

隴西人行義甚脩至刑部郎中卒

故與先君為三司者也

孫曰貞元四年觀為刑部員外郎瑞為大理卿公父鎮為

殿中侍御史覆穆贊之獄事已見鎮墓誌

其大理者曰楊瑞

孫曰瑞大歷九年進士

瑞無可言猶以獄直為御史

宇文邈

孫曰大歷二年進士

河南人有文謹慤人也為御史中丞

齷齪自守然以直免官復為刺史卒

見宰相表

袁滋陳郡人

孫曰滋字德深蔡州朗山人

善篆書文敏不競

不競不爭也

為相

孫曰永貞元年七月同平章事

出使辱命貶刺史

孫曰是歲十月以滋為西

川節度使徵劉闢為給事中滋畏闢不敢進十一月敗滋為吉州刺史

復為義成軍節

度卒

孫曰元和元年七月自吉州拜義成軍節度使至十二年為湖南觀察使卒是時未卒也有傳

盧羣范陽人

孫曰羣字載初系出范陽

雜博多所許與使反側之地

天子以為任事

孫曰淮西節度使吳少誠擅決司洧水溉田使者止之不奉詔命羣往蔡

州詰之少誠聽命以奉使稱旨遷檢校秘書少監

為義成軍節度卒

孫曰貞元十六

年四月拜義成軍節度使九月卒有傳

崔損清河人

孫曰損字至元系本博陵大歷十一年中進士第

畏慎為相

孫曰貞元

十二年十月自諫議大夫平章事

無所發明

孫曰初宰相趙憬卒盧邁以病在告議者謂選

有德及用損中外悵失而損性齟齬能自將延英進見不敢出一言及天下事然不害物天

子獨愛辛以損為長者

有傳

鄭餘慶榮陽人

孫曰餘慶字居業鄭州榮陽人
大歷十一年中進士第

再為相

孫曰

貞元十四年七月同平章事十六年九月罷
永貞元年八月同平章事元和元年五月罷始天下

皆以為長者及為大官名益少今為尚書河南尹無

恙

孫曰元年十一月以餘慶為河南尹有傳

鄭利用餘慶從父兄也

孫曰大歷八年進士利用祖長裕許州長史二子諒慈明諒為

冠氏令生利用慈明
為太子舍人生餘慶
真長者由大理少卿為御史中

丞復由中丞為大理少卿

李益

孫曰益字君虞宰相揆之族子
大歷四年中進士長於歌詩

隴西姑臧人風流

有文詞少有僻疾

孫曰益少有癡病而多猜忌防閑
妻妾過為苛酷而有散灰扃戶之

譚聞於時故時謂
妬癡為李益疾

以故不得用年老常望仕非其志

復為尚書郎

王紓。其弟紹太原人

孫曰紹字德素自太
原徙京兆之萬年

紹得幸德

宗為尚書在宰相之右

孫曰貞元中為戶部侍郎判
度支德宗臨御久益不假借

宰相自竇參陸贄斥罷中書取充位惟紹謹密眷待殊厚主計凡八年每政事多所闕防紹亦未嘗一言漏于今為徐泗節度

徐曰元和元年十一月遷檢校尚書左僕射徐州刺史武寧軍

節度使後以濠紆有學術

孫曰紆大厯十一年中進士第娶公伯祖臨邛令某

之魯直為尚書郎

孫曰魯遜也與論語參也魯之義同

路泌河南人以尚書郎使西戎留戎中度今已年八十

餘既和我十五年不得歸無為言者

孫曰泌字安期其先陽平人事

渾瑊為副元帥判官貞元三年閏五月瑊與尚結贊同盟于平涼為蕃兵所劫泌等六十餘人陷虜中十九年吐蕃請和其子隋三上疏宜許不報舊史附路隋傳

虞當會稽人

孫曰會稽餘姚人

為郭尚父從事終沔州刺史以

信聞

孫曰當有子曰九皋公有誄焉

賈弁

孫曰弁大歷二年中進士第○弁古函切

長樂人善士也為校書郎卒

○弟全

孫曰全大歷四年進士

至御史中丞

孫曰貞元十八年正月自常州刺史

為浙東
觀察使

趙需

孫曰需大歷六年進士

天水人喁喁儒士也

童曰喁字當作尋尋音況羽切

商之冠名禮記禮弓下篇殷人尋而祭於趙需儒士無意義今按公集段太尉逸事狀云太尉為人恂恂相樂也今云趙需尋尋儒士也宜當作尋雖諸韻云

冠名恐亦自有訓和煦樂易義有名至兵部郎中卒

孫曰貞元元年正月以吉州長

史盧杞為饒州司馬需為補闕上疏論其不可

張式

孫曰式大歷七年進士

南陽人

張莒

孫曰莒大歷九年進士

常山人

張惟儉

孫曰惟儉大歷六年進士

宣城當塗人皆善言謔式至河南

尹

孫曰貞元十六年九月式自河南少尹遷大尹水陸轉運使

莒鄧州刺史惟儉

和州刺史

奚陟江都人

孫曰陟字殷卿其先自譙亳徙為京兆人大歷十四年中進士

柔敏至吏

部侍郎

孫曰貞元至吏部侍郎十五年卒

世謂陟善宦然其智足自

處也

盧景亮涿人

孫曰景亮字長晦幽州范陽人大歷六年中進士第

有志義多所激

發為諫官奏書如水赴壑坐貶廢棄甚久

孫曰建中初為右補

闕朱泚反景亮勸德宗曰陛下罪已不至則感人不深帝然之景亮志義率然多激發與穆贊同在諫諍地書數上鯁穀無所回宰相李泌勅景亮漏上所至語言引善在已帝怒貶朗州司馬廢抑二十年

順宗時為尚書郎升中書舍人卒

孫曰憲宗時由和州刑駕召還再遷

中書舍

人卒

楊於陵

孫曰於陵字達夫

弘農人善吏敏秀者也為中書舍人

京兆尹

孫曰貞元末為中書舍人稍遷京兆尹

張因某人

孫曰因京兆長安人

舉詔策為長安尉願去官為道士

甚有名以其弟回降封州曰吾老矣必死回也哭而

行遂死封州

孫曰永貞元年卒公集有銘

高郢渤海人

孫曰郢字公楚本渤海隋人後徙衛州

有文章規矩自立者

不干貴幸以太常為相

孫曰貞元十九年十二月自太常卿同平章事

罷居

尚書

孫曰永貞元年正月罷相守刑部尚書有傳

唐次北海人

孫曰次字文編并州晉陽人建中元年進士第

有文章學行義甚

高以尚書郎出為刺史屏棄

孫曰貞元中宰相竇參薦之為禮部員外郎八

年參敗官次坐出為開州刺史在巴峽間十餘年不獲進用

永貞中召以為中書

舍人道病去長安七十里死傳舍

孫曰永貞元年八月以饒州刺史李

吉甫為考功郎中夔州刺史唐次為吏部郎中並知制誥正拜次中書舍人卒

苗拯上黨人有學術峭直以諫議大夫漏泄省中語貶

萬州卒

柳氏兄弟者先君族兄弟也最大并字百存為文學至

御史病瞽遂廢次中庸中行

孫曰公八世祖僧習二子驚慶驚子帶岸帶岸

子祚祚子範範子齊物齊物子喜喜子并中庸中行慶子旦旦子楷楷之子子夏子從裕從裕子察躬察

躬子鎮鎮子即公故為族兄弟皆名有文咸為官早死

抑登柳冕者族子也

孫曰登自成伯冕字敬叔蒲州河東人

自其父芳

孫曰

芳自仲數與冕並居集賢書府冕文學益健頗躁自吏部

郎中出為刺史

孫曰貞元六年十一月上親行郊享上重慎祀典每事依禮時冕為吏部

郎中攝太常博士與司封郎中徐岳倉部郎中陸贄工部侍郎張薦皆攝禮官同修郊祀儀注時上甚嘉久之以議論勤切執政不喜出為婺州刺史至福建廉使卒

孫曰貞元十二年三月自

欽定四庫全書

五百芳訓先生集
卷十二

七

婺州除兼御史中丞福州刺史充福建都團練觀察使登晚仕至尚書郎祕書

少監

附柳芳傳

薛丹同郡人至尚書郎

呂牧

孫曰牧永泰二年中進士第

由尚書郎刺澤州卒

崔稹

孫曰稹字實方

清河人至檢校郎官

孫曰為檢校金部郎中

子羣為

右補闕贈給事中

有傳

房啓河南人善清言由萬年令為容州經略

孫曰貞元十一年自

管經畧使

于申河南人至尚書郎

常仲孺

孫曰仲孺丞相之猶子

河南人今為諫議大夫

見宰相表

蘇弁武功人

孫曰弁字元容京兆武功人

好聚書至三萬卷

孫曰弁聚書至

二萬卷皆手自刊校當時稱與祕書埒

與先君通書以戶部侍郎貶

孫曰

貞元初為戶部侍郎判度支坐給長武城軍糧朽敗貶汀州司戶參軍

復為刺史

孫曰數年

起為滁州刺史卒附蘇世長傳

崔芄

蒲紅切

博陵人善言名理為御史尚書郎

孫曰元和初為尚書

郎後為江西觀察使

鄭元均

孫曰元均建中二年進士

滎陽人強抗少所推讓然以此多

怨困不得仕

辛憚

孫曰憚建中元年進士。憚紆憤切

隴西人有史學

韓衡昌黎人善士

陳衆甫梓潼人高志氣

薛伯高同郡人好讀書號為長者後至尚書卒

見宰相表

張宣力清河人儒善後表其名去力但為宣自元均至

宣力皆沒沒無顯仕者

孤宗元曰先君之所與友凡天下善士舉集焉信讓而大顯道博而無雜今之世言交者以為端敢悉書所尤厚者附茲石以銘于背如右

補注邵太史云子厚記其先友于父墓碑意欲著其

父雖不顯所交游皆天下偉人善士列其姓名官爵因附見其所長者可矣反從而譏病之何也貶永州尚如此為尚書郎時可知退之云不自貴重蓋其資如此

故殿中侍御史柳公墓表

為會葬人作韓曰即公之叔父嘗銘先侍御者之墓表也其名諱不可考集元注云為會葬人作豈以其備書本道節度張公乃遣殿中監李輔忠致贈侍御史韋重規等救助汝南周公巢

等琢石書德以見其
一時空禮之盛耶

唐貞元十二年二月庚寅葬我殿中侍御史河東柳公

於萬年縣之少陵原公諱某字某邑居於虞鄉

孫曰虞卿縣名

屬蒲州

曾王父某官

韓曰曾王父子夏徐州長史

王父某官

韓曰王父從裕滄州

清池

皇考某官

韓曰皇考察躬湖州德清令

奕世餘慶叢而未稔濟

德流祉其後宜大秀而不實

童曰論語秀而不實者有矣夫

為善者惑

嗚呼哀哉惟公敷柔峻清恪慎端莊進止威儀動有恒

常英風超倫孤屬貞方居室孝悌與人信讓當職強毅

游刃立斷自少耽學頗工為文既窮日力又繼以夜鄉

里推擇敦迫上道乃與計偕來游京師觀藝靈臺貢文

有司射策合程遂冠首科休有令問羣士羨慕居數年

授河南府文學教勵生徒撰擇貢士

韓曰周禮大司馬主羣吏撰車徒注

云撰謂擇之也
○撰息轉切

儒黨相賀庶人觀禮秩滿渭北節度使

孫曰貞元二年七月以右金吾衛大將軍論惟明為渭北鄜坊節度使

延為叅佐總齊軍

政甚獲能稱加太常寺協律郎既喪主帥

孫曰三年十一月惟明卒

於官罷歸私室方將脫遺紛埃退與道俱冲漠保神優柔

肆儒四方聞風交馳鵠書載筆乘軺

童曰軺使者所乘車又曰小車。軺

音姚乃作叅謀出入朔方陪佐戎車

孫曰四年七月以左金吾將軍張獻甫為

朔方郊寧節度使表公為叅謀

遷大理評事又加章綬朱裳銀印宗黨

有耀權畧密勿

童曰詩密勿從事

潛機埋照完彼亭堡時其講

教實從戎謀鄰國是倣改度支判官轉大理司直出納

府庫頒給軍食下無離斂

力驗切斂一作諸

黔首休息月校歲

會

孫曰周禮歲有會。會古外切

莫不如畫庫豐財羨

童曰羨餘也。羨延面切庫一

作軍制或計得又遷殿中侍御史度支營田副使分間之

寄

間苦本切

叅制其半柔以仁撫剛以義斷戎臣坐嘯

孫曰後漢

書南陽太守岑公孝弘農成瑨但坐嘯

公堂無事朝廷延首方待以位既

而祿不及伐冰

韓曰禮記伐冰之家不畜牛羊注伐冰之家卿大夫以上喪祭用冰伐擊也

政不獲專達

韓曰周禮天官其屬六十大事則從其長小事則專達

以其年正月

九日遇疾終於私館享年五十嗚呼痛哉奔驥騁力中

塗踈足

童曰說文踈足跌也。踈烏卧於阮二切

高鴻輕舉在雲墜翼凡我

所知哀慟無極本道節度尚書朗寧王張公

韓曰張獻甫也

震

悼涕慕不任于懷臨遣牙將試殿中監李輔忠監備凶

禮贈賻甚厚

童曰贈死曰賻賻助也。○賻撫鳳切賻符遇切

行軍司馬侍御史

韋重規等

孫曰重規大厯五年登進士第

匍匐救助

童曰詩凡民有喪匍匐救之

事

用無關丹旒素車歸于上京撰期定宅

撰息轉切

莫有憊素

憊音憊

故友諸生宗人外姻號慟會葬哀禮咸申克寔玄

堂

童曰寔葬下棺也寔音殛悲驗切

掩坎廣輪

孫曰禮記季子適齊於其反也其長子死葬於

羸博之間既葬而封廣輪掩坎其高可隱也

顧眄無依徘徊增哀願勒休聲

延垂後賢於是汝南周公巢等

孫曰公巢貞元十一年中進士

相與琢

石書德用圖不朽文曰

抱元淳稟粹和既強毅又柔嘉登儀曹

孫曰謂試於禮部中進士耀

文章司學徒

孫曰謂為河南府文學

儒風揚自渭北佐朔方戎政

閑黔首康冠惠文

孫曰柱後惠文冠名

垂朱裳才不施天茫茫刊

樂石

孫曰樂石泗濱之石可為磬者

篆遺德

一作芳

延休烈垂憲則於萬

年長無極

故叔父殿中侍御史府君墓版文

柳氏之先自黃帝及周魯其著者無駭以字為展氏

韓曰

魯孝公之子字子展諡曰夷伯子展孫無駭以王父字為氏

禽以食采為柳姓

韓曰無駭

生禽字季為魯士師諡曰厥後昌大世家河東嗚呼公
惠食米於柳下遂姓柳氏

諱某字某曾王父朝請大夫徐州長史諱某子夏遺貞白

之操表儀宗門王父朝請大夫滄州清池令諱某從裕垂

博裕之道啓佑後胤皇考湖州德清令諱某察躬弘孝悌

之德振揚家聲惟公端莊無諂微柔有裕童曰書徽采懿恭峻

而能容介而能羣其在閨門也動合太和皆由順正愷

悌雍睦莫有間言故宗黨歌之其在公門也釋回措枉

補注同邪也記曰禮釋
同語曰舉直錯諸枉

造次秉直事不失當舉無秕政

七 批音 故官府誦之用冲退徑盡之志以弘正友道信稱

於外焉用柔和博愛之道以視遇孤弱仁著於內焉此

公脩己之大經也自進士登高第調受河南府文學秩

滿渭北節度使論惟明辟為從事受太常寺協律郎元

戎即世罷職家食

童曰易不家食吉

無何朔方節度使張獻甫

辟署叅謀受大理評事賜緋魚袋改度支判官轉大理

司直遷殿中侍御史加度支營田副使此公從政之大

畧也既佐戎事實司中府匪頒有制

孫曰周禮八曰匪頒之式注云匪分

也頌讀為班布之班

會計明白

韓曰孟子曰孔子為委吏矣曰會計當而已矣

嗚呼分聞

委政繫公而成務朝右虛位待公而周事宗門期公而

光大姻黨仰公而振耀貞元十二年歲在景子正月九

日壬寅遇暴疾終於私館享年五十痛矣夫人吳郡陸

氏

孫曰公有陸氏誌

洎仲弟綜季弟續冢姪某等

孫曰察躬子鎮某續綜續

冢姪即公也

抱孤即位牽率備禮祇奉裳帷歸于京師以某

年

孫曰當作其年

二月二十八日庚寅安厝于萬年縣之少陵

原

厝音措

禮也公有男一人

孫曰有男一人曰曹婆女一人曰喜子

始六年

矣在髻知孝

童曰髻小兒垂髻也。○髻音迨。

呱呱涕洟

孤音

凡我宗戚

撫視增慟嗚呼哀哉初公元兄

元兄鎮

以純深之行端直

之德名聞於天下官至侍御史持斧登朝憲章肅清常

以先公之神未克遷祔不正席不甘味及撰日定期而

昊天不弔

孫曰貞元九年鎮卒

志奪禮廢公實敬承遺志行有日

矣而閔凶荐及不克終事則我宗族之痛恨其有既乎

惟公盡敬於孝養致毀於居憂表正宗姓觀示他族故

宗人咸曰孝如方輿公

孫曰公之八世祖僧習事後魏封方輿公以孝德聞

修詞

以藻德振文而導志以為理化之始莫尊乎堯作堯祠

頌以為述德之作不忘於祖作始祖碑以為紀廣大之

志叙正直之節不嫌於親作元兄侍御史府君墓誌

鎮墓

誌

其餘諷詠比興

上音鼻下許應切

皆合于古故宗人咸曰文

如吳興守

韓曰南史柳惲字文暢好學善尺牘少工篇什有亭皋木葉下隴首秋雲飛之句仕宋為

吳興太守

當官貞固確乎不拔持議端方直而不苛故宗人

咸曰正如衛太史

韓曰禮檀弓下衛有太史曰柳莊公曰若疾革雖當祭必告公再拜稽首請

於尸曰有臣柳莊也者非寡人之臣是社稷之臣也聞之死請往不釋服而往遂以禭之率性廉介

懷貞抱潔嗣家風之清白紹遺訓於儒素故宗人咸曰

清如魯士師

補注論語柳下惠為士師三黜人曰子未可以去乎曰直道而事人焉往而不三黜

已上四事皆柳氏之先文行之著者也

兼備四德具體而微公之謂矣小

子常以無兄弟移其睦於朋友少孤移其孝於叔父天

將窮我而奪其志故罔極之痛仍集焉朴魯甚駭

語駭切

不能文字敢用書宗人之辭以致其直故質而俚輟哭

紀事哀不能文故叙而終焉

故弘農令柳府君墳前石表辭

少陵原柳氏之大墓唐貞元十九年某月日孤某奉其
先府君洎夫人之喪祔于其位由新墓而南若干步曰
高祖王父蘭州府君諱某字某之墓又東若干步曰曾
祖王父邠州府君諱某之墓西若干步曰祖某王父司
議郎府君諱某之墓咸異兆而相望昭穆之有位序壤
樹之有豐殺孫曰禮弓國子高曰葬也者藏也反壤樹
之哉壤謂封壤樹謂種樹。殺所介切
皆如律令府君字某諱某由父任為太廟齋郎更許昌
陽武伊闕華原尉王屋丞汝陰令為弘農二年推其誠

心裕于其人闢土生穀若有天相之道衣食給足故人

不札天教厲明具故俗不爭奪遂以洽于大和事理克

彰刺史盧杞

孫曰杞字子良大厯末為虢州刺史弘農縣屬虢州

加禮褒旌考績

絕尤推君之政風于下邑命為吏部尚書郎庾河南受

命黜陟

孫曰建中元年二月命趙贊衛晏洪經綸等十一人分巡天下庾字或作更

狀君理

績殊異宜升天朝帝有歎焉方圖優昇命用不長年五

十五建中二年某月日卒于官以其素廉家之蓄不足

以充凶事遂殯于是邑仍會危難至于今乃克返葬孤

某嘗為黔州錄事叅軍今無祿事而志不敢緩初公娶
司農少卿京兆韋山之孫涇陽主簿迴智之女德容溫
良大厯二年某月日卒于越而假葬焉孤某徒行自越
舉夫人之喪至于號舉弘農君之喪咸至于墓窆焉

窆音

硤悲
驗切

既窆立石表于墳前示後之人以無忘孝敬嗚呼

世有難仕于外而葬其族者希矣孝子之心有待駟馬
五鼎而卒不至者焉若今之殺衣黜食寒妻子飢僕御
終身由之而志益不懈為旅人徒跣萬里

跣音

以厄困

終事孝之難者歟五十而慕者舜也祿千鍾而悲者曾

子也

孫曰莊子曰曾子後仕三十鍾而不洎吾心悲

聖且賢難之若是今之人

有由其道者得不立于世乎

志從父弟宗直殯

韓曰公自永貞元年九月由禮部員外郎謫郢州刺史十一月又移永州司馬至元和十年正月召至京繼出為柳州刺史宗直與公俱故死於柳韓昌黎集有雷塘祭雨文觀此志則知非昌黎作矣

從父弟宗直生剛健好氣自字曰正夫聞人善立以為

已師聞惡若已讎見佞色諂笑者不忍與坐語善操觚

牘

上音孤下音獨

得師法甚備融液屈折奇峭博麗知之者以

為工作文辭淡泊尚古謹聲律切事類譔漢書文章為

四十卷

孫曰宗直譔西漢文類四十卷公為之序譔與撰同述也

歌謠言議纖悉備

具連累貫統好文者以為功讀書不廢晝夜以專故得

上氣病臚脹奔逆

張曰臚皮也一曰傳也廣韻腹前曰臚脹腹大也○臚凌如切音閭脹知

亮切每作害寢食難俯仰時少間又執業以興呻痛咏言

雜莫能知兄宗元得謗於朝力能累兄弟為進士凡業

成十一年年三十三不舉藝益工病益牢元和十年宗

元始得召為柳州刺史

孫曰元和十年三月公為柳州刺史

七月南來從

余道加瘧寒數日良已又從謁雨雷塘神所

孫曰雷塘柳州地名

州有雷山兩崖皆東西雷水出焉蓄崖中曰雷塘能出雲氣作雷雨變見有光禱用俎魚豆彘脩形糴稌陰酒

度則應

還戲靈泉上洋洋而歸卧至旦

而一作也

呼之無聞就

視形神離矣嗚呼天實析余之形殘余之生使是子也

能無成

能一作既

是月二十四日出殯城西北若干尺死七

日矣俟吾歸與之俱志其殯

五百家註柳先生集卷十二